



EMPAT penunggang motosikal maut dalam dua kemalangan berasingan di Lebuh Raya Utara Selatan dari arah Universiti Putra Malaysia (UPM) ke Kajang, Kuala Lumpur, semalam.

# 4 maut, 6 cedera kemalangan motosikal

Oleh NURFARAHIN HUSSIN  
pengarang@utusan.com.my

■ KUALA LUMPUR 8 OKT.

**E**MPAT penunggang motosikal maut dalam kemalangan berasingan di Lebuh Raya Utara-Selatan dari arah Seremban menghala ke ibu negara, di sini hari ini.

Ketua Polis Daerah Kajang, Asisten Komisioner Ahmad Dzaffir Mohd. Yussof berkata, kemalangan pertama berlaku di Kilometer (KM) 302 membabitkan dua penunggang motosikal berlanggar sesama sendiri manakala kemalangan kedua di KM 301.5 membabitkan tujuh buah motosikal dan sebuah kereta.

Berdasarkan keterangan saksi, kemalangan pertama pada pukul 2.20 pagi itu terjadi selepas seorang daripada penunggang motosikal menghimpit dan melanggar sebuah lagi motosikal dari arah kiri.

"Akibat daripada perlanggaran tersebut, kedua-dua penunggang



Dalam kejadian kedua, pemandu Perodua Axia memandu kenderaan di lorong kedua sebelum sebuah motosikal merempuh bahagian belakang sisi kanan kereta tersebut sekali gus mengakibatkan pemandunya hilang kawalan."

**AHMAD DZAFFIR MOHD. YUSSOF**  
Ketua Polis Daerah Kajang

motosikal berusia 16 dan 26 tahun mengalami kecederaan parah dan maut di lokasi kejadian," katanya dalam satu kenyataan di sini hari ini.

Menurut Ahmad Dzaffir, sembilan minit kemudian, kemalan-

gan kedua berlaku dalam jarak hanya 500 meter dari lokasi kejadian pertama membabitkan kereta Perodua Axia dengan tujuh motosikal Yamaha LC yang dipercayai sedang berlumba.

"Dalam kejadian kedua, pemandu Perodua Axia memandu kenderaan di lorong kedua sebelum sebuah motosikal merempuh bahagian belakang sisi kanan kereta tersebut sekali gus mengakibatkan pemandunya hilang kawalan.

"Pelanggaran itu mengakibatkan kereta berpusing dan seterusnya dirempuh enam lagi penunggang motosikal yang tidak sempat mengelak. Penunggang motosikal yang mula-mula merempuh kereta maut di lokasi kejadian sementara seorang lagi maut ketika menerima rawatan di Zon Merah, Hospital Serdang. Kedua-duanya berusia 23 tahun," katanya.

Tambah beliau, lima penunggang motosikal yang lain mengalami kecederaan parah manakala pemandu kereta pula mengalami kecederaan di leher.